

doa, et è morto, lassato la moglie et Zuan Batista suo fiol de anni 16 et una puta de anni 2, però sia dato provision al dito Zuan Batista ducati 10 per paga a page 8 a l'anno a la Camera di Padoa; et la puta, quando la sarà nubile, li sia dato per il suo maridar di danari di la Signoria nostra ducati 200. Fo balotà do volte, vol li tre quarti. Ave la prima volta: 113, 37, 11 et la seconda: 143, 36, 4 et fo presa. Ha una bella moier, qual era a le scale de Pregadi.

Fu posto per li diti, che a sier Lunardo et Francesco Arimondo qu. sier Alvise, quali treteno di l'anno . . . alcuni legnami di questa cità per far la sua nave, che monta di dazio tuti ducati 60 grossi . . . , però tanti siano posti a conto de la Signoria, come ad altri in simel casi è stà concesso, et balotà do volte non ave il numero, la prima: 129, 40, 8; la seconda: 126, 58, 6. Et perchè la pende si meterà uno altro Conseio.

Fu poslo, per li diti, che atento la spexa la qual convien far sier Marco Antonio Venier dottor orator nostro apresso il Pontefice in questo suo venir a Bologna al convento dil Papa et Cesare, però li siano donati ducati 200 d'oro in oro per una volta da esserli dati de danari dove si pagano li oratori. Et balotà do fiate, perchè la vol i cinque sestì, non ave el numero. Ave: 134, 49, 2. *Iterum* ave: 135, 56, 2.

Fu posto, per li Savi a Terra ferma: *cum sit* che dil 1508 fusse preso in questo Conseio che a la moier et fioli qu. Nicolò Bogotich bombardier, che fu morto, li fosse dà provision ducati 5 per paga a la Camera de Vicenza a page 8 a l'anno fin suo fiol fusse in età, et poi fosse posto in castel di Roveredo, hora mò Bernardo suo fiol, venuto a età perfeta, sia scritto ai rectori di Padoa lo meti nel castel di Padoa per fante oltra li 10 ordenari vi sono, con quel salario hanno li altri. Ave: 145, 17, 4.

130* Fu posto, per li Savi, che Guido di Naldo tornato di Corfù sia rimesso in Crema dove l'era prima con fanti 50, et la soa provision sia pagà li a Crema de ducati 40 al mexe. Et Jacometo da Novelo è in Crema con li soi 50 fanti torni in Verona. Et perchè in Verona è fanti 300, sia per el capitano et colateral zeneral reduti in 200, trati *etiam* di la compagnia fo di Borgese da Borgo che morite, *videlicet*: Babon di Naldo 50, Jacometo da Novello 50, Giacomo Antonio Pochipani 25, Piero Sagredo 25, Antonio Rodeso 25, Zuan da Parma 25. Ave: 174, 3, 3.

Scurtinio di Provedador sora le fabriche de Treviso, iusta la parte presa hozi.

Sier Domenego Bragadin el XL Criminal, qu. sier Andrea, qu. sier Hironimo da Camporusolo	119. 77
Sier Michiel Foscarini fo a le Cazude, qu. sier Andrea	40.156
Sier Alvise Donado fo consolo di mercadanti, qu. sier Hironimo el dottor	116. 78
Sier Orsato Manolesso el XL Criminal, qu. sier Jacomo	74.125
Sier Nicolò Zantani el XL Criminal, qu. sier Zuane	83.116
Sier Francesco da Molin el XL Criminal, qu. sier Marco	115. 82
Sier Michiel Marin el XL Criminal, qu. sier Antonio	104. 95
Sier Jacomo Condolmer el XL Criminal, qu. sier Zuan Francesco	81.118
Sier Zuan Sagredo el XL Criminal, qu. sier Alvise, qu. sier Zacaria	105. 93
† Sier Zuan Piero Bembo el XL Criminali qu. sier Bernardo	134. 64
Sier Batista Barbaro el XL Criminal, di sier Alvise consier, qu. sier Zacaria el cavalier, procurator	127. 66
Sier Alvise Zivran el XL Criminal, qu. sier Piero dai Carmini	85.113
Sier Bernardo Pixani fo XL Zivil, qu. sier Francesco dal Banco	41.152
Sier Hironimo Emo el XL Criminal, qu. sier Gabriel, qu. sier Zuane el cavalier	112. 84

Fu provà primo sier Hironimo Contarini, qu. sier Andrea, stato soracomito, et rimase. Et ave: 167, 10, 1.

*Copia di capitolo di letere di Candia, di 29 131
Octubrio 1532, scrite per Zuan Speranza,
a sier Zuan Piero di Michiel in Venetia.*

Da novo de quì è successo gran cose, come per altri intenderete. Zonse da quì uno bregantin, el qual vene de Arzipelago et zonse a di 28 di questo mexe, per il qual havessimo de novo: come nel mexe passato, che fo a di 29 septembrio, essendo a Santo Ostragi, la qual è una ixola arente a Syo, dove erano fuste 5 turchesche di mal afar, le qual